

TARIKH: 5/7/03
SURAT KHABAR: Harian Metro
MUKA SURAT: 27

Bangun kurikulum, bahan latihan TVET

Kuala Lumpur: Johor Port Bhd, ahli MMC Group menandatangani memorandum kerjasama (MoC) untuk tiga tahun dengan Kementerian Sumber Manusia (KSM) berhubung pelaksanaan program Pendidikan dan Latihan Teknikal dan Vokasional (TVET).

Ketua Pegawai Eksekutif Johor Port Md Derick Basir, melalui MoC yang ditandatangani baru-baru ini, Johor Port akan terbabit secara langsung dalam pelaksanaan program TVET negara, khususnya dalam pembangunan kurikulum dan bahan latihan serta menye-

diakan kemudahan latihan bagi program operasi pelabuhan.

"Johor Port berbesar hati untuk berkongsi pengalaman dan kepakaran yang diperoleh dalam industri pelabuhan dan logistik untuk meningkatkan latihan vokasional negara melalui perkongsian ilmu pengetahuan dan pendedahan industri," katanya dalam satu kenyataan di sini, semalam.

Menurutnya, Johor Port juga komited untuk beroperasi secara mampan, bertanggungjawab dan inklusif.